



Мирослава Крлеже1, 76100 Брчко Дистрикт Босне и Херцеговине; Телефон: 049/ 220 890, Факс: 049/ 212 984,
Mroslava Krležе 1, 76100 Brčko Distrikt Bosne i Hercegovine; Telefon: 049/ 220 890, Факс: 049/ 212 984,

Na osnovu člana 12. stav 1. tačka c. Zakona o Direkciji za finansije ("Službeni glasnik Brčko distrikta BiH", broj: 19/07), člana 26. stav 4. i člana 33. stav 1. tačka i) Zakona o Trezoru Brčko distrikta BiH ("Službenik glasnik Brčko distrikta BiH", broj: 3/07, 19/07), Direktor Direkcije za finansije Brčko distrikta BiH donosi:

PRAVILNIK O NAČINU POVRATA VIŠE ILI POGREŠNO UPLAĆENIH PRIHODA BUDŽETA BRČKO DISTRIKTA BiH

Član 1.

Ovim Pravilnikom se uređuje način i postupak za povrat više ili pogrešno uplaćenih prihoda budžeta Brčko distrikta BiH na Jedinstveni račun Trezora (JRT).

Član 2.

(1) Pravna, fizička lica i građani ostvaruju pravo na povrat više ili pogrešno uplaćenih prihoda budžeta Brčko distrikta BiH, u skladu sa poglavljem IX Odluke o uplatnim računima prihoda budžeta i fondova Brčko distrikta BiH, načinu uplaćivanja tih prihoda i načinu i rokovima izještavanja korisnika prihoda, podnošenjem zahtjeva Direkciji za finansije Brčko distrikta BiH (U daljem tekstu: Direkcija).

(2) Uz zahtjev se moraju dostaviti :

- a) dokaz o izvršenoj uplati,
- b) potvrdu od nadležnog Odjeljenja u Vladi Brčko distrikta BiH ili druge institucije Distrikta, kojom se potvrđuje opravdanost zahtjeva za povrat sredstava,
- c) broj i naziv računa na koji će se izvršiti povrat sredstava
- d) ostalu dokumentaciju kojom se potvrđuju navodi dati u zahtjevu za povrat sredstava.
- e) dokumentaciju navedenu u prethodnom stavu dužan je dostaviti i podnosilac zahtjeva za preknjižavanje sredstava.

Član 3.

(1) Zahtjeve za povrat sredstava razmatra Komisija imenovana od strane direktora Direkcije, koja utvrđuje opravdanost zahtjeva za povrat sredstava.

(2) Postupak do donošenja rješenja o povratu sredstava provodi pravnik u Direkciji.

(3) Direkcija za finansije Brčko distrikta BiH – Trezor ili Poreska uprava (U daljem tekstu: Trezor i Poreska uprava), donosi rješenje o povratu više ili pogrešno uplaćenih prihoda (sredstava) sa odgovarajućeg Jedinstvenog računa računa Trezora (JRT) za prikupljanje javnih prihoda budžeta Brčko distrikta BiH .

Član 4.

Rješenje o preknjižavanju neporeskih prihoda na poreske prihode , izdato od strane Trezora, dostavlja se Poreskoj upravi u svrhu evidentiranja preknjiženog iznosa kao uplate na analitičku karticu poreskog obveznika u evidenciju Poreske uprave.

Član 5.

Rješenje za povrat više ili pogrešno uplaćenih sredstava na JRT se donosi u 4 (četiri) primjerka, od kojih se jedan dostavlja podnosiocu zahtjeva, a tri ostaju u Direkciji, za potrebe Sektora za izvršenje budžeta , evidencije i arhive.

Član 6.

Trezor je dužan izvršiti povrat više ili pogrešno uplaćenih sredstava na račun podnosioca zahtjeva u roku od 15 dana od dana donošenja rješenja za povrat.

Član 7.

Evidenciju donešenih rješenja o povratu sredstava vodi Sektor za izvršenje budžeta Trezora.

Član 8.

(1) Ovaj Pravilnik stupa na snagu osmog dana od dana objavljivanja u « Službenom glasniku Brčko distrikta BiH ».

(2) Donošenjem ovog Pravilnika prestaje da važi Pravilnik o povratu više ili pogrešno uplaćenih prihoda budžeta Brčko distrikta BiH („Službeni glasnik Brčko distrikta BiH“ broj: 22/04).

Broj: 04/1-014-314/07
Datum: 07.08.2007. godine

Direktor,
Mato Lučić, dipl.ecc